

CHRIS

Dum



Cim

1921-

-1923

Autor,
rium,

reus esto
liber!

Teolog 3043 h

39. VI. 21.


Notandum ex hoc Libro

De Melanctone. pag -- 215

quod sit Sacramentarius

De Breuitio quod sit etiam

in nonnullis faueret 220.



D. O. M. A. E. C.

Disputatio IV.

COLLEGII CORPORIS DO-
ctrinae Præbendarum Ecclesiarum,

CONTINENS
Repetitionem Articuli

DE CHRISTI
PERSONA.

SUB PRÆSIDIO

COELESTINI MISLENTÆ,

SS. Th. D. eiusdem, ut & Hebr. lin-
guae Profes. Ordinari. Consistorii
Sambienf. assessoris.

RESPONDENTE

HENRICO Schüz Butzo-
vio-Megapolitano.

*Publicè in Auditorio majore
13. Iulii habenda.*

REGIO MONTI,

Typis Laurentii Segebadii, Anno 1624.



Magnifico ac Generoso
 Tam sua virtute, quàm Majorum Gloria,
Nobilissimo Viro

Dn.

ANDRÆ à Krentzen /
 Hæreditario in Wesselin / Wessels-
 haffen &c. Serenissimi Electoris Bran-
 denburgiei &c. &c. Supremo in
 ducatu Borussiae Mare-
 schallo.

Domino ac Mecenati suo
Summo

In grati animi declarationem, suis
 ulteriore commendationem
 disputationem hanc Theologi-
 cam submisit.

Offert & dedicat.

HENRICUS Schütz l.

Cim. 1926 (d)

Disputatio IV.

DE CHRISTI PERSONA.

Respondente Henrico Schütz Butzovio-
Megapolitano.

Repetitionem articuli de Deo, cum in unitate essentiae; cum in tribus personis considerato; rectè excipit repetitio Articuli de Christo; quippe in quo principiū salutis, & redemptionis nostrae consistit. Vbi ἐνταῦθα ἐστὶν, in pertractatione augustissimi hujus loci ad eadem membra, intra quorum cancellos præcedentem dissertationem persequimur, seu ad Cynosuram polarem nobis eris respiciendum.

I. SEDES ARTICULI
de Christo.

1. Desumptus ac repetitus est hic Articulus
Primò ex August. Confessione, ejusq; articulo Tertio.

tiq, qui sic habet: Ecclesia magno consensu docent,
quod Verbum, h. e. Filius Dei assumserit humanam na-
turam in utero B. Virginis, ut sint due Nature, divina,
& humana, in unitate persone, inseparabiliter conjun-
ctæ, unus Christus verè Deus & verè homo, natus ex
Virgine Maria, verè passus, crucifixus, mortuus
& sepultus, ut reconciliaret nobis Patrem, & hostia
esset non tantum pro culpa originis, sed etiam pro o-
mnibus actualibus hominum peccatis. Et quæ sequun-
tur ex symbolo Apostolico. Confer Apologiam
Aug. Confessionis.

Deinde ex Articulis Schmalcaldicis (à B. Luth. A.
1537. conscriptis instante Concilio Mantuano) ac
in specie ex Tertio, & Quarto Prime partis (de
summis articulis divinæ Majestatis) Tertius arti-
culus ita habet: Non Pater, non Spiritus S. sed Fi-
lius homo factus est.

Quartus verò sic: Filius ita factus est homo, ut
à Spiritu S. sine virili operâ conciperetur, & ex Ma-
riâ purâ, Sanctâ semper Virgine nasceretur: Postea
passus & mortuus est, sepultus descendit ad inferna,
resurrexit à mortuis, ascendit ad cælos, sedet ad dex-
teram Dei, venturus judicare viros & mortuos. &c.

II. SUMMA ARTICULI de Christo, prout in nostro li- bello pertractatur.

2. Repurgatur in hujus articuli repetitione
orthodoxa doctrina I. de Unionis Hypostaticæ
duarum

duarum Naturarum in Christo, citra vel conversionem, vel confusionem indissolubiliter, & in perpetuum factâ ad unam personam.

II. De *communicatione Idiomatum*, seu consequenti illius unionis: & quidem secundum tres distinctos gradus, vel tria genera: In quorum primo collocantur idiomata alterutrius naturæ, uti toti personæ competunt; & de totâ personâ prædicantur, additis tamen particulis distinctivis, naturas à confusione in Christo vindicantibus, ac liberantibus.

In secundo recensentur Idiomata utriusque Naturæ ad Officium Christi concurrentia, idque exprimentia, ex declaratione *Synodi Chalcedonensis* de actionibus Dei virilibus.

In Tertio recensentur dona Majestatica, Christo secundum humanam Naturam à *λογω* communicata.

III. De statibus Christi secundum Humanam Naturam, nimirum 1. *Exinanitionis* & 2. *Exaltationis*.

3. *Antithesein* quod attinet, ea partim in occasione: partim per porismata in quibusdam membris pertexitur incidenter passim.

Nos tamen membris peculiaribus eam expediemus: Etenim ordinis causâ, præsentem materiam tribus disputationibus pertractabimus.

In priore, quæ est in ordine Quarta, agemus de Christi persona; In Secunda, quæ erit

in ordine *Quinta*, de Christi officio; In *Tertia*,
quæ erit *Sexta*, de Christi statibus: tum *Θεσις*;
tum *ἀντιθεσις*.

4. Quâ verò occasione repetitum huncce
articulum voluerint auctores antehac commemo-
rari; ex prologo luculentèr patescit, ubi Hæ-
retici commemorantur, qui augustum hunc arti-
culum fædissimè conspurcarunt; de quibus Deo
volente in *Anathem.* uberius monendum erit.

III. EXEGESIS THE- seos de Christi Persona.

5. Ad pleniorẽ Theseos explicationem de
Christi Persona, agendum erit; paucis tamen.
1. de Christi appellationibus. 2. de Personæ Christi
descriptione reali 3. de duabus Christi Naturis. 4.
de Naturarum Unione Hypostaticâ. 5. de Conse-
quentibus Unionem, adeoq; de communicatione
1. Hypostaseos. 2. Naturæ Divinæ, & Humanæ
(nec non de propositionibus personalibus) 3.
Idiomatum utriusq; Naturæ. Hisce namq; mem-
bris Consideratio Christi personæ absolvitur.

DE PRIMO.

6. Appellationes Christi apud varios aucto-
res occurrunt variz, quas diligenter collegit, &
nuper publici juris fecit Dn. *Salom. Glasius SS.*
Theol.

Theol. Lic. & in Acad. Ientens. P. P. quò etiam.
Lectorem remittimus. Nos compendio remi-
persecuturi, sic Nomina Christi partimur.

7. Christi Nomina sunt vel Hagiographica.
vel Ecclesiastica, vel Iudaica.

8. Nomina Christi Hagiographica Personarum
& Officii respectu desumuntur.

Primo ex officio Christi in genere. Et sic vo-
catur 1. Christus non $\pi\alpha\rho\alpha\ \tau\omicron\ \chi\rho\iota\sigma\tau\omicron\varsigma$ ut vult Ju-
stinus Apol. 2. pro Christ. sed $\pi\alpha\rho\iota\tau\omicron\ \chi\rho\iota\sigma\tau\omicron\varsigma$ ab-
ungendo Joh. 1. v. 41. Hebræis משיח Messias &
משיח unxit. Sicut enim Reges & Sacerdotes in
V. T. solenniter inaugurandi oleo ungi sole-
bant, ceu typi Christi: sic quoque Christus vel
Messias noster, illorum Antitypus unctus est o-
leo laticiarum vel Spiritus Psal. 45. v. 8. Esa. 61. v. 1.
Dan. 9. v. 24. Act. 10. v. 38. Heb. 1. v. 9. (Noten-
tur heic Axiomata:

1. Christus unctus est oleo non externo; sed in-
terno spirituali h. e. ipsius Spiritus S. donis.

2. Unctio illa non est ad redemptionis officium
destinatio, sed potius Spiritus S. donatio & collatio.
Illa n. facta est ab æterno, hæc in tempore. Illa
concernit Christum quoad utramq; naturam.
hec quoad Humanam. Nam

3. Unctio hæc facta est non secundum divinam
sed secundum humanam naturam.

4. Unctio hæc est facta sine mensura Joh. 3. v. 34.
Hebr. 1. v. 9. ex Psal. 45. v. 8.

5. *Christus συνανφότερον νοείται h. e.*
consignificativum duarum naturarum Athan. orat 5.
contra Arrian. & de salutar. adventu Christi.
Vel Christus est persona σύνθετος h. e. composita:
Nam ante incarnationem erat persona increata
& simplex: post incarnationem vero non sim-
pliciter increata, nec simpliciter creata; neq;
μερικῶς creata; μερικῶς v. increata; sed
ὁλικῶς increata, & creata simul; Una est perso-
na, & eadem antè, & post incarnationem; sed
non uniusmodi.

6. *Christi appellatio est totius Trinitatis pro-*
fessio: Innuuntur namq; tres personæ Deitatis 1.
Pater ut ungens 2. Filius ut unctus 3. Spiritus S.
ceu unguentum ex Joh. 3. v. 34.

7. *Christus est legis finis; objectum totale, & ad-*
equatum; imò centrum Evangelii. Finis quidem Le-
gis, quia Lex nos ducit ad Christum ceu Pædago-
gus Rom. 10. v. 4. Gal. 3. v. 24. Objectum v. istius-
modi, quia est thesaurus Ecclesiæ & margarita
pretiosissima; Centrum deniq;, quia universa
peripheria salutis, à Christo incipit, per eum
procedit, in eoq; desinit.

II. Vocatur Iesus ab Hebr. ישוע h. e. salvare:
Hinc σωτηρ salus: & σωτης Salvator Matth. 1.
v. 21. 2. Petr. 1. v. 11. Græcis dicitur Σωτήρ h. e.
Serpator uti plera pars Criticorum reddit latinis
tatis studio: Ast iudice Tullio latinis nulla datur
vox propria & genuina, exprimens græcum ter-
minum. Denotat n. plus quàm vel Serpatorem
vel

vel Salvatorem; Salyatoris tamen nomen magis ad rem facit: Unde nos etiam interpretamur Nomen Σωτήρας per Salvatorem. (Axiom.

1. Nomen Iesus est cœlitus delatum; Ideoq; novum tum ratione significationis; tum ratione συνηκῆς singularis ob terminū à quo & ad quem.

2. Nomen Iesus beneficia Christi ferè omnia συντόμως & ἐπιτομικῶς complectitur Complect a. beneficia per hoc nomen suum Christus respectu nostri 1. imputativè 2. inchoativè, 3. effectivè & 4. Consummativè.

3. In nomine Iesu omne genu flectendum Philipp. 2. v. 10.

III. Vocatur Immanuel h. e. nobiscum Deus Es. 7. v. 17. Matth. 1. v. 23. & Ithiel h. e. mecum Deus Prov. 30. v. 1.

I V. Siloh Gen. 49. v. 10. q. d. filius secundæ. V. Angelus Gen. 32. 30. Ex. 3. 2. Angelus faciei Esa. 63. 9. Angelus Testamenti Mal. 3. v. 1. VI. Reconciliator Rom. 3. v. 25. VII. Mediator Dei & hominum 1. Tim. 2. v. 5. Novi T. Heb. 9. v. 12. 24. IIX. Advocatus Rom. 8. v. 35. 1. Joh. 2. v. 1. 2. X. Liberatore ὁ ρυόμενος, καὶ ἀποσπέντων ἀσεβείας ἀπὸ Ἰακώβ. Rom. 11. v. 26. XI. Mirabilis XII. Constiliarius. XIII. Deus fortis XIV. Pater seculi. XV. Princeps pacis Es. 9. 5. XVI. Ieh. iustitia nostra Jer. 23. 8. & 33. 4. XVII. Semen Mulieris Gen. 3. v. 15. XIX. Vir Jer. 31. 9. Ad hanc Epithetorū Classē pertinet nomina Christi. 1. Typica, & sic vocatur

aliquoties. Christus David Ezech. 37. v. 24. Of. 3.
v. 5. 2. Agnus Ioh. 1. v. 29. 1. Pet. 1. v. 19. Apoc. 13. v.
13. c. 19. v. 9. 3. Pascha 1. Cor. 5.

I I. Metapharica, & sic vocatur 1. Leo de
tribu Iuda Apoc. 5. v. 5. 2. Radix Iesse Esa. 11. v. 1. 3.
Radix David Apoc. 5. v. 5. 4. Lapis anguli Esa. 28.
v. 16. Psal. 118. v. 22. Rom. 9. v. 33. 1. Pet. 2. v. 5. 6. 7. 5.
Lapis offendiculi v. 8. 6. Fundamentum 1. Cor. 3. 11.
Ephes. 2. v. 10. 7. Lux mundi Iohan. 1. v. 4. c. 8. v.
12. Luc. 2. v. 32. Act. 26. v. 23. Esa. 42. v. 6. c. 49. v. 6.
c. 60. v. 1. Ephes. 5. v. 14. 8. Fœdus populi Esa. 49. v.
8. 9. Pastor unus, Bonus, Magnus. Ezech. 34. v. 23.
c. 37. v. 29. Ioh. 10. v. 11. Hebr. 13. v. 20. Summus
Pastor. 1. Pet. 5. v. 4. 10. Sponsus Ioh. 3. v. 29. Apoc.
19. v. 9. Matth. 9. v. 15. 11. vitis Ioh. 15. v. 1. 4. 5.

I I I. Metonymica, & sic Christus vocatur
Iustitia, sapientia, Iustificatio, redemptio. 1. Cor. 1. v.
30. & pax nostra Ephes. 2. v. 14.

10. Deinde quædam nomina Christi des
sumuntur ex Officio ejus in specie: quod quia
triplex est; totuplex etiam nominum Christi da
ri poterit classis.

11. Ad primam classem referuntur nomi
na Officium Christi Regium denotantia, & sic
vocatur 1. Rex. Esa. 33. v. 22. Of. 3. v. 5. Luc. 1. v. 33.
Psal. 2. v. 6. Psal. 24. Psal. 72. v. 1. Zach. 9. 9. Matth.
21. 5. c. 25. 40. 2. Princeps & Dux Esa. 9. v. 6. Dan.
9. v. 25. El. 55. v. 4. 3. Dominator Mich. 5. v. 1. Ma
lach. 3. v. 1. Matth. 2. v. 6. 1. Cor. 2. v. 8. Heb. 2. v. 1.
4. Dominus noster passim Ioh. 13. v. 13. 14. Rom. 1. v.

4. 1. Cor. 8. v. 6. 5. Caput Ecclesie Ephes. 5. v. 23.
Col. 1. 18. 6. Heres omnium Heb. 1. v. 2. Marc. 12.
v. 6. 7. 7. Index. Es. 33. v. 22. Joh. 5. v. 27. 8. Princeps,
& Consummator fidei, & salutis nostre 1. Pet. 1.
v. 21. 2. Pet. 1. v. 1. Hebr. 2. v. 10. c. 12. v. 2. 9. Auctor
vitæ Act. 3. v. 15. 10. Causa salutis æternæ Heb.
5. v. 9.

12. In secunda Classe collocantur nomina ad
Christi officium Propheticum pertinentia: & sic
vocatur disertè Propheta Deut. 18. v. 16. 2. Precep-
tor Es. 55. v. 4. c. 42. v. 6. c. 49. v. 1. 2. c. 61. v. 1. 3.
Rabbi Matth. 23. v. 8. (& quidem unus) Joh. 13. v.
13. 4. Legislator Es. 33. v. 22.

13. Ad tertiam Classē referuntur nomina
Christi officium sacerdotale indigitantia, & sic
vocatur 1. Sacerdos in æternum Psal. 110. v. 4.
Pontifex fidelis Hebr. 2. v. 17. Magnus c. 5. v. 10. fu-
tutorum bonorum c. 9. v. 10. 2. Apostolus & Pon-
tifex Confessionis nostræ Hebr. 3. v. 1. 3. Administra-
tor Sanctorum Heb. 8. v. 2. 4. Reconciliator Es. 60.
v. 10. 2. Cor. 5. v. 19. Col. 1. v. 19. 5. Advocatus 1. Joh.
2. v. 2. Hebr. 7. v. 15. 6. Intercessor Rom. 8. 34. 7.
Propitiatorium Rom. 3. v. 25. 8. pretium redemptionis
pro omnibus 1. Tim. 2. v. 6.

14. Inter nomina Christi Ecclesiastica præci-
puum est θεαυθωπνος & αυθωπνός h. c. Deus
Homo; vel Homo Deus, ob duarum natura-
rum, divinæ, & Humanæ in Christo unionem,
ad unam personam. plura non occurrunt.

15. Iudaicæ Christi appellationes recensē-

tur

tur in Talmud Codic. Pesachim. c. 4. Cod. Nedarim c. 4. & Codic. Sanhedrin. c. 11. quinq; sequentes præter nomen Messie 1. ינון Innon ex Ps. 72. v. 17. juxta Scholam Rabbi Ianna 2. שילח Schilo juxta Scholam Rabbi Schela ex Gen. c. 49. v. 10. 3. חורא Leprosus ex Esa. c. 53. 4. חנינא Gratosus 5. מנחם Consolator, quæ omnia ex sacris deprompta.

DE SECUNDO.

16. Cum Christi definitio non possit dari exacta; descriptione qualiquali contentos nos esse modestè, ac piè decebit. Succinctior autem, ut & rotundior vix ulla alia dari poterit, quàm quæ extat apud Varinũ Phavorinũ in hæc verba: *Χριστός ἐστὶ θεάνθρωπος Χριστὸς ἀπαρίστας, μετὰ ἡμῶν, καὶ ἀνθρώπων*: h. e. Christus est Deus & homo sine peccato, Mediator Dei, & hominum. Ubi & Christi Persona, & ipsius officium optimè exprimitur; id quod imprimis in definitione Christi attendendum.

17. Unde sequitur 1. Christum heic considerari ut personam compositam; non tam partium, quàm quidem numeri respectu.

2. Christum esse personam unam, vel unicam. Siquidem Mysterium unionis non potuit peragi nisi ab eo, qui esset Deus, & homo in unitate personæ. Hinc vocatur Christus unus Dominus 1. Cor. 8. v. 6 Ephes. 4. v. 5. unus mediator Dei, & homi-

hominum 1. Tim. 2. v. 5. 6. unus Magister Matth. 23. v. 8. Vnus Pastor Eccles. 12. v. 13. Vnus homo Rom. 5. v. 15. 17. Vnus Vir 2. Cor. 11. v. 2. Vide Damasc. lib. 3. orthod. Fid. c. 3. & 9. c. 11. c. 14. 15. 17. 19.

3. In Christo igitur non est ἄλλος καὶ ἄλλος; alius atq; alius; sed ἄλλο καὶ ἄλλο h. e. aliud & aliud, sive: est diversitas naturarum; non personæ.

DE TERTIO.

18. Christum personam esse compositam ex Deitate, & Humanitate, modò dictum fuit: ordinis itaq; ratio efflagitat, ut tùm de Divinâ, tùm Humanâ Christi naturâ hocce membro dis-feratur.

19. Et quod Divinam quidem Christi nat-uram atinet, præcedenti disputatione eandem demonstravimus. Hoc loco id solummodo no-teretur: Naturam Divinam Christi heïc considerari non ἀπλῶς vel absolute; sed σχετικῶς S. relatè, tam respectu hypostaseos, quàm Oeconomie. Ratio; Aliter n. Deitas Christi consideratur in Naturâ suâ, aliter etiam in Personâ suâ. Ibi consideratur absolute prout communis est Patri & Spiritui S. Heïc v. consideratur relatè, adeoq; prout est cha-ractere hypostatico determinata. Pariter Natu-ræ divinæ consideratio alia est καθ' ἐαυτὴν per se ac in se; alia καθ' οἰκονομίαν per dispensationem. Illa fit ratione essentiali τῷ λόγῳ: Hæc ratione gra-tiosa

tiosæ & salvificæ dispensationis, qua Christus non est amplius persona simplex; sed composita h.e. Θεάνθρωπος. Utroq; modo Filius à Patre & Spiritu S. distinguitur.

20. Humanæ Naturæ in Christo probatio est longè facilior, vel ideo, quod præter veteres Hæreticos, hodie paucissimi amplius reperiuntur, qui Christum verum esse hominem negatum eant; imo ne Turcis & Iudæis exceptis.

Nolumus itaq; in hoc argumenti genere esse prolixiores, lectorem remittentes ad Exegetin Dn. Menzeri A. C. ubi quintuplici argumentorum classe thema hocce pertractat art. 3. p. 101, 1. ab appellationibus 2. Definitione hominis reali 3. ex partibus hominis essentialibus S. ex corpore & anima rationali. 4. proprietatibus humanæ Naturæ. 5. ab operationibus.

21. Porro humana Christi natura aliis terminis æquipollentibus exprimitur in Sacris, vocatur n. caro Ioh. 1. 14. Caro et sanguis Heb. 2. v. 14. Item in concreto Homo 1. Tim. 2. v. 5. Ioh. 10. v. 33. vel Filius hominis Dan. 7. v. 13. Matth. 8. v. 20. c. 16. v. 13. c. 18. v. 11. c. 20. v. 18. c. 24. v. 27. 30. 37. c. 25. v. 13. 31. Ioh. 5. v. 27. Semen mulieris Gen. 3. v. 15. Semen Abrahe Gal. 3. v. 16. Hebr. 2. v. 16. Filius & fructus ventris Davidis, Matth. c. 20. v. 30. 31. c. 21. v. 9. c. 22. v. 42. 2. Sam. 7. v. 12. Psal. 89. v. 36. Psa. 132. v. 11. Matth. 1. v. 1. Luc. 20. v. 41. Act. 13. v. 23. Rom. 1. v. 9. 2. Tim. 2. v. 8. Leo de tribu judæ Apoc. 5. v. 5. Virgultum Radicis Iessæ; Radix Iessæ Es. 11. v. 1. c.

42. v. 1. c. 53. v. 2. Apoc. 22. v. 16. Radix David & Ge-
nus Apoc. 22. v. 16. Sanctum Sanctorum Dan. 9. v. 24.
Vir. Act. 2. v. 22. c. 17. v. 31. Hisce pleriq; ex Calvi-
nians addunt Formam servi ex Philipp. 2. v. 8. sed
nimium ineptè; uti infra patebit. Adscribemus ad
pleniorum Membri hujus explicationem Axio-
mata:

1. Humana Christi natura consideranda est, non
ut tota massa humana; sed ut particula ex illâ massâ. h.
e. certa natura ex semine Virginis Sanctificata à
Spiritu S. Damasc. l. 3. O. F. c. 2. & 6.

2. Humana natura Christi non est consideranda ut
καθόλου, seu universale quid; nec ἐν τῷ εἶδει,
seu species; sed ἐν αἰσώματι, vel ὁμοειδί, h. e. ut Indi-
viduum. Ratio: Assumit n. λόγος humanam natu-
ram certam; non v. quatenus in Idea omnibus
est communis. Damasc. l. 3. c. 11.

3. Humana Christi natura est nobis ὁμοειδής,
ἢ ὁμοφυής h. e. similis, vel ejusdem essentiae
cum nostra. Duplici tamen cum limitatione 1.
quod similitudo, vel ὁμομορία illa sit intelligen-
da quoad φύσιν s. Naturam vel Essentiam, non v.
quoad ὑπόστασιν subsistentiam: Assumit n. filius
Dei non personam; sed naturam humanam 2.
quoad defectum peccati: nam filius Dei assumpsit
Humanam Naturam expertem omnium defe-
ctuum moralium, omnisq; peccati Heb. 4. v. 15.
c. 7. v. 26. c. 9. v. 28. 1. Ioh. 3. v. 5. 1. Pet. 2. v. 22. ex Es.
c. 53. v. 9, Confer. Damasc. l. 3. c. 12, & 13, Confess.
Chalce.

Chalcedon. & Athanas. tract. de definit. ubi docet: Christum ratione humanitatis esse nobis ὁμοῖον, ὁμογενῆ, συγγενῆ, ὁμοφυῆ, & ὁμόφυλον: obnoxiam v. defectibus naturalibus, non quidem ex necessitate, sed ex liberrima voluntate ad opus redemptionis expediendum. Hinc Damasc. l. 3. c. 18. πάντα, inquit ἀνέλαβεν, ἵνα πάντα ἁγιάσῃ h. e. omnia assumpsit, ut omnia sanctificaret. B. August. Serm. 145. de Temp. Totum suscepit; totum liberavit. Et Ambrosi. l. 2. de fide c. 4. Mihi prodest scire, quia propter me suscepit Christus infirmitates meas. Ratio: quia λόγος non assumpsit naturam humanam in statu innocentie, qualem quidem Adam habuit ante Lapsum; sed in statu miserie omnibus passionibus subjectam, quales sunt fames, sitis, alior, defatigatio, dolores, languores, mortalitas, ignoratio, timor, tristitia, fuga mortis &c.

DE QVARTO.

22. Contemplati sumus utramq; Christi Naturam; agemus etiam paucis. de unione naturarum hypostatica. Praesupponimus a. eam non esse accidentalem, adeoque nec κατὰ παράθεσιν appositionem, nec χέσιν secundum aliquem respectum; sed realem ac substantialem, κατὰ συνδύασιν dictam (ubi tamen removemus συνδύασιν ὀνοματώδη conjunctionem nominalem, quā aliterius

erius subjecti proprium non realiter; sed nominatenus alteri tribuitur: unde totum ejusmodi dicitur non *ἁπλοῦς* essentialis, vel *ὑποστατικός*; sed vel τῷ πάθει affectu; vel τῇ συσχεΐα comprehensione, & contactu, adeoque κατὰ συμβεβηκός) adeoque per se.

23. Quoad definitionem Unionis hypostaticæ, varia à variis affertur: apud Patres triplex occurrit. Prima apud Athanas. in symbolo, quod sit πρόσληψις ἀνθρώπου τῆς εἰς θεοῦ ἡλ. assumptionis humanitatis in Deitatem: in quâ multi nonnulla considerant: Nam assumptio est causa Unionis 2. quia Unio est reciproca, non autem assumptio: Et provectio est assumpti, non v. utriusq; uniti. 3. quia unio est perpetua, non a. assumptio, quippe transiens & momentanea. Secunda apud eundem Athan. in tract. de defin. in hæc verba: ἑνωσις καθ' ὑπόστασιν εἰν ἡ ἀνθρώπου ἐν τῇ μήτρᾳ τῆς ἁγίας Θεοτόκου τῶν δύο φύσεων συνδρομή: Tertia Hypostatica est per se subsistentialis concursus duarum naturarum in utero B. Deiparæ. Quam descriptionem iisdem verbis repetit Varinus in Lexico suo. Tertia reperitur apud Suidam, quæ sic habet: ἑνωσις ὑποστατικὴ εἰν ἡ τὰς διαφορὰς ἁπλοῦς, ἡ φύσεις, εἰς ἓν πρόσωπον, ἡ μίαν, ἡ τὴν αὐτὴν ὑπόστασιν συνάγειν, ἡ συνδέειν. h. e. Unio hypostatica est quæ differentes substantias vel naturas in unam personam, & unam eandemq; subsistentiam congregat & combinat.

24. Nos allatas descriptiones suo relinquentes loco nostram hancce damus: Unio Hypostatica, est conjunctio substantialis, quâ filius Dei humanam naturam in personam suam assumpsit, cumque eâ unum ὁμοῦς ἀμενον constituit, salutis nostræ persciende gratiâ.

25. Vix accurata & perfecta definitio unionis Hypostaticæ dari poterit: assignatam reduximus ad classem relatorum 1. ob subjecta, vel extrema, nempe res differentes naturâ & definitione, ut sunt: natura divina ἡ λόγος, & humana. 2. ob fundamentum h. e. intervenientem assumptionis actionem. 3. ob relatum quod est natura, quæ refertur, & correlatum, quod est Natura ad quam refertur. 4. ob terminum cumque geminum; prior est internus, & unius θεανθρώπου constitutio; posterior externus, & salus generis humani.

26. Porro ad dilucidandam descriptionem sequentia notamus Axiomata: 1. Unio personalis est μονόσωπος, & ἀπρόητος h. e. singularis & ineffabilis 1. Tim. 3. v. 16. Hinc vocatur tremendissimum & novum sub sole à Basilio & Damasc. 1. 3. O. F. c. 1. ac Miraculum à Theodor. Rhetens. lib. adv. hæres. 1. quia simile sub sole non reperitur 2. quia causa ejus ab omni creatura absconditur 3. quia omnem naturæ facultatem, & apprehensionem transgreditur.

2. Unio personalis est credenda non à termino quo; sed ad quem h. e. dicitur personalis, non

quod

quod
natur
μεν.

peract
ment

ἐπέλε

Massa

ctio 3.

matio

utrius

assumt

31. 35.

Heb.

4.

distin

nis su

tia, tū

illius

nniu

inter

juncti

tur re

ἡ λό

esse a

posse

bre im

omnia

omnia

August

quod duæ personæ sint unitæ, sed quod duæ naturæ ad unam personam, vel unum ὁφισάμενον.

3. Unio personalis est tempore incarnationis peracta. Oſto namq; à Theologis actus in momento incarnationis expenduntur 1. Spiritus S. ἐπέλευσις super B. Virginem superventus 2. Massæ sanguineæ in locum generationis deductio 3. Ejusdem sanctificatio 4. Corporis ex eâ formatio 5. animæ productio 6. corporis animatio 7. utriusq; partis à filio Dei in hypostasin suam assumptio: & deniq; Unio. Probatur ex Luc. 1. v. 31. 35. Joh. c. 1. v. 14. Gal. 4. v. 4. 1. Tim. 3. v. 16. Heb. 2. v. 14. 16.

4. Unio hypostatica est omnium arctissima, & distinctissima simul. Utrumq; n. est de ratione unionis substantialis ac per se, tum arctissima præsentia, tum distinctio rerum unitarum. Ac ratione illius, unio hypostatica deprehenditur esse omnium longe arctissima. 1. Propter naturarum internam ac indissolubilem præsentiam ac conjunctionem: Quo n. arctior unio, eò major oriatur rerum unitarum præsentia; adeò ut natura ἡ λόγος extra humanam nec cogitari, nedum esse alicubi sine hac; salvâ unionem personali, possit 2. propter exquisitissimam περιχώρησιν sive immeationem, quâ singula sunt in singulis, & omnia in singulis, & singula in omnibus, & omnia in omnibus, & unum omnia explic. B. Auguſt. l. 6. de Trin. c. ult. Dari a. talē περιχώρησιν

inter duas Christi naturas, alibi evidum est, principio περιχώρησης ad solam Deitatem, λόγος relato; quippe quæ omnia pertransit ac permeat, prout vult, ipsam verò nihil apud Damas. l. 3. O. F. c. 7.

27. Sicuti verò ob περιχώρησιν essentialē, supernaturalem in Trinitate una persona non est extra aliam: ita ob supernaturalem personalem una Natura in Christo nequit esse extra aliam, Damas. d. l. c. 5. 3. propter uniūς ὑφιστάμενης mutuam constitutionem ex divinā & humanā Naturā, adeoq; unitatem personæ θεανθρώπου. Sicuti a. unitas essentialis arguit unionem arduissimam in Trinitate; quā arduior nulla datur; ita unitas personæ vel ὑφιστάμενης, arguit unionem arduissimam in Christo, divinæ, & humanæ naturæ.

28. Huc pertinent formulæ illæ loquendi, quod unio facta sit ἀδιαίρετως indivisè, ἀχωρίστως inseparabiliter, ἀδιασπαστῶς indistincter, ἀδιαλύτως indissolubiliter, ἀδιασπαστῶς indivulsè; ἀπεριγραπτῶς, incircumscriptè, ἀμεταβλήτως intransmutabiliter vid. Damas. l. 3. c. 2. 3. & 11.

29. Deinde quod Unio Hypostatica sit distinctissima, evincit ejus Majestas, cum quā omnis confusio pugnat. Facta n. est ἀσυγχύτως inconfusè, ἀτρέπτως immutabiliter, ἀαλλοιωτῶς inalterabiliter Damas. d. l. Ac proinde, ut Naturæ

Naturæ; ita Naturarum propria à confusione,
& mutatione mansere liberrima in unione hy-
postatica in Christo.

5. Unio Hypostatica est perpetue durationis.
Quod n. λόγος semel assumptus, nunquam depo-
suit Athanas. Dialog. 4. ὁ ἐνώσας ἐκ ἀφῆκεν. Ideoq;
nec in ipso mortis articulo rupta fuit, soluta in-
terea, unione naturali corporis & animæ in
Christo.

6. Ob unionem Hypostaticam Christus θεάνθρω-
πος non est tertium quoddam, ac diversum à naturis
suis; sed due illæ naturæ sunt unus Christus; & Chri-
stus due naturæ. Non enim Christus est ἐξ ἐτέρων
ἐτερον; ἀλλὰ ἐξ ἐτέρων τῶν αὐτῶν h. e. ex diversis
diversum quid; sed ex diversis ea ipsa. Domasc. l.
3. c. 3. cum Nazianz.

7. Unio Hypostatica non est sine vera, ac reali
communicatione Hypostaseos, & Naturarum, & 3.
proprietas, & operationum; ut jam diceretur: Si-
quidem ad unionem κατὰ συνδύασιν substantia-
lem, rerum unitarum κοινωνία requiritur, sine
quâ ne cogitari quidem potest.

DE QUINTO.

30. Vox κοινωνίας multipliciter alias ca-
pi solet, nos heic agimus de communicatione
supernaturali, eaq; personali quæ per omnia
talis est, qualis ipsa Unio: ex sententia Nazianz.

zeni & Damasceni. Sumi porrò hoc sensu solet,
vel 1. *causaliter* pro ipsa *unione*, & sic unio &
communio æquipollent apud Athanas. ad Epist. 2.
vel *Consequenter* pro concomitantia unionis;
& sic etiam à nobis consideratur, ac describitur:
Communicatio est unius proprii inter plura subjecta
distributio, & de eodem *realis participatio*: ob
intervenientem *συνύασιν*, vel unionem; citra
ullam vel multiplicationem; vel transfusionem.

31. *Trium* a. breviter communicatio nobis
erit eruenda.

I. *Hypostaseos* ἡ λόγος sive substantiæ
cum Humanâ naturâ assumpta, quam alibi fusè
probavimus; unde huc *συνήμεως* adducimus ar-
gumenta, desumpta 1. ab *unitate personæ*, quæ
utrique naturæ communis evasit 2. à *persona*
Christi *composita* 3. ab *humanitatis personatione*
apud Damasc. l. 3. c. 2. 11. 27. 4. à *consecutione*
ἡ εἶναι ὑποστατικῶς ab humana naturâ Dam. d. l. 5.
ab *humanitatis Christi cooptatione* in consortiū
SS. Trinitatis, 6. ab *humanitatis Christi subsisten-*
tiâ illocali. 7. ab *absurdo*, 1. quia Caro Christi
esset merè naturalis 2. quia *passiones carnis* sibi
appropriare λόγος non potuisset, negatâ commu-
nicatione Hypostaseos.

II. *Naturæ* ἡ λόγος cum assumpta huma-
nitate 1. ex Joh. 1. v. 14. Col. 2. v. 9. 2. à propo-
sitionibus *personalibus*, in quibus concretum
unius naturæ prædicatur de Concreto alterius

Naturæ

Natur
Deus
cations
munic
16. v.

II
Comm
cipati
in Ch
utraq

32.
gradus

33.
cantur
terdun
lectu

quis
quod
recipi
æquo
quico
hoc c
præd
est pe
hoc c

prædi
ticula
rum;

34.
6. v. 62
c. 15 v.

Naturæ, propter Unionem hypostaticam: Ut Deus est homo, & homo est Deus. uti a. prædicationes illæ sunt veræ ac reales: ita & communicatio. Referantur huc dicta, ex Matth. c. 16. v. 13. 16. Luc. 1. v. 35. Jer. 23. & c. 33.

III. Idiomatum seu *propriorum*: Est vero Communicatio Idiomatum, vera ac realis participatio *propriorum* divinæ, & humanæ naturæ in Christo *θεανθρώπων* facta, vel ab alterutrâ, vel utraq; naturâ simul denominato.

32. Tres a. communicationis Idiomatum gradus ex scriptura dari possunt.

33. *Primus*, in quo propria naturarum communicant realiter toti personæ in concreto, additis interdum particulis distinctivis, semper autem subintellektis. Tribus igitur requisitis hic gradus à reliquis distinguitur. 1. requisitum est *Subiectum*, quod heic est persona, Christus *θεανθρώπος* 2. *reciprocatio*, siquidem propria naturarum ex æquo de persona prædicantur, ita nimirum; ut quicquid est per naturam proprium filio Dei; hoc omne per, & propter unionem personalem prædicetur de filio Mariæ: Et *econtra*: Quicquid est per naturam humanam proprium filio Mariæ, hoc omne per, & propter unionem personalem prædicetur de filio Dei. 3. *distinctio* per certas particulas ad evitandam confusionem, uti Naturarum; ita proprietatum.

34. Ad hanc classem pertinent Effata Joh. 6. v. 62. c. 8. v. 58. Act. 3. v. 15. 1. Cor. 2. v. 8. c. 10. v. 9. c. 15 v. 47. Joh. 3. v. 13.

35. Secundus gradus, in quo divina Majestas, gloria, & potentia assignatur Christo secundum naturam humanam, propter unionem hypostaticam.

36. Tria etiam heic dantur requisita, quibus hic gradus à primo, & postremo discernitur
1. Subjectum quod est Humana Christi natura.
2. objectum dona infinita, ac increata soli Deo per essentiam propria. Unde etiam intelligitur negatio reciprocationis; 1. quia Deitati nihil dari in tempore potest 2. quia proventus est assumpti, non assumentis 3. Causa, per & propter quam facta sit communicatio videl. unio hypostatica.

37. Huc pertinent effata de Omnipotentia, potestate æterna omnis carnis, Dan. 7. v. 14. Matth. 11. 27. c. 28. v. 18. Joh. 17. v. 2. Gloriâ v. 5. Omniscientia Joh. 16. v. 30. c. 21. v. 17. Omnipresentiâ potentia Dominii Psal. 72. v. 8. Psal. 110. v. 2. Eph. 4. v. 10. Gratiâ Matth. 18. v. 20. c. 28. v. 20. Act. 9. v. 5. Gal. 1. v. 1. Apoc. 1. v. 13. c. 2. v. 1. Gloriosâ 1. Cor. 15. v. 28. de cultu adorationis Psal. 72. v. 9. Es. 49. v. 7. Psal. 45. v. 12. Psal. 97. v. 7. Heb. 1. v. 6. cap. 4. v. 15. 16.

38. Tertius gradus, in quo utraq; Natura in Christo agit quod sibi proprium est cum communicatione alterius; apud Damasc. lib. 3. c. 15. & 19. Ee heic Tria requisita deprehenduntur, quibus hic gradus à præcedentibus distinguitur 1. Subjectum h. e. Christus secundum utramq; Naturam 2. objectum quod est actio aliqua Θεωδίκη i. Deivirilis, Officium Christi propheticum, Sacerdotale, ac Regium
expri-

exprimens. & 3. particula reduplicative & copulative utramq; naturam respectu unius ac ejusdem ἀποσιδήσματος conjungentes.

39. Quæ verò dicta huc pertineant, jam supra dictum fuit, & ex sequenti disputatione patefecit.

IV. EXEGESIS AN- tirheseos.

40. Puriori huic doctrinæ adversantur hæreses partim veteres; partim renovatæ: utrasque paucis dispiciemus, secundum seriem membrorum hædenus in Thesi propositorum.

41. Veteres hæretici oppugnarunt in Christo vel Naturas; vel unionem, vel communicationem, indeq; resultans officium θεανδρικόν.

42. Naturam divinam impugnantes præcedenti disputatione enumeravimus.

43. Humanam impugnarunt 1. ratione Corporis veri, Cerdon, Marcion, Saturnini, Valentiniani, Marcus, Manes, Basilides: 2. ratione anime, Arius, Apollinariste, Aëtiani, Eunomiani, & Anomei. 3. ratione affectionum & proprietatum Monothelite, & Apbhartodocite.

44. Unionem veram, & artificiam negarunt 1. quotquot Deitatem aut humanitatem Christi impugnarunt. 2. Nestorius in defectu naturas separans, ut & Samosatenus: 3. Eutyches in Excessu Naturas, & proprietates confundens, cum Gnaphæo, serere.

Sepero, Acephalk, vel Angelitū, quos ante seculum imitatus erat Schryvenckfeldius.

45. Communicationem realem eadem operā iidem hæretici negarunt.

V. M E M B.

46. Renovati Hæretici impugnarunt & adhuc impugnant vel Christi personam, vel officium, vel status.

47. Personam Christi impugnantes, hodierni hæretici 1. ratione divinæ naturæ sunt Photiniani, & Anabaptistæ, ex Θεωθρώπων ψιλὸν ἀνθρώπων fingentes 2. ratione humanæ naturæ sunt Schryvenckfeldiani, & VVeigeliani, utrique tam hi, quam illi unionem hypostaticam, & communicationem negant veram ac realem, tum actionum, tum priorum. 3. Ratione unionis hypostaticæ sunt Pontificii, & Calviniani tanquam Pilatus, & Herodes contra Christum conspirantes, hacq; in parte Nestorii errorem errantes. Pontificiorum quidem sententiam edisserit Bellarm. l. 3. d. Christ. c. 8. ubi carnem, ait, existere in verbo, ut brachium in corpore c. 4. fingit filium Dei factum, esse hominem, vel verbum factum esse carnem, sicut Aaron factus est Pontifex, & David Rex: Conf. c. 15. 17. 18. ubi unionem definit per sustentationem, ac confert cum unione globi solaris sensu per omnia Nestoriano. Eadem sententia est Calvinianorum, quorum pleriq; fingunt unionem Hypostaticam esse Accidentalem ut Martin. in Exam. spicar. p. 49. Nec aliter possunt, salvis suis hypothesis, ac similibus, ab Antipræpiâ, Planetâ, Clavo,

Clavo,
Christi
post
Exam
gestati
Dei?
Mart
572. l
tandem
6. th. 7
Pontific
tionem
Gerla
quia
Idi
post
tunt
p. 250
synta
catho
perso
nem
com
assum
2.
equo
vid, B
ubi pr
Bezam

Clavo, Puncto, Calamo &c. petitis, iisq; ad carnem Christi applicatis. Hinc negant unionem hypostaticam factā esse ad unum ὁψίσταμενον Dan. in Exam. Chem. p. 83. & quid sibi volunt termini *gestationis, sustentationis* carnis in hypostasi filii Dei? apud Beza in Coll. Mompelg. p. 245. Martyr. dial. Martin. l. 2. de pers. Christi. p. 571. 572. Fide pseudocathol. l. 2. c. 3. p. 271. quicquid tandem prætexit Bergius disp. de pers. Christi c. 6. th. 78. 79. sed futiliter, uti suo loco responsum.

4. *Ratione communicationis 1. Hypostaseos.* Pontificii quidem videntur urgere communicationem hypostaseos Bell. l. 3. d. l. c. 8. Busc. contra Gerlach. c. 4. th. 35. Becan. Tom. 2. opusc. p. 259. sed quia excludunt ab hac communicatione naturam & Idiomata τῆς λόγῃς; prius quod largiti sunt, postea subtrahunt. Calviniani etiam idem sentiunt vid. Beza. Colloq. Mompelg. ad th. 8. 9. p. 250. Resp. ad acta part. 1. p. 95. 96. 105. Polan. in syntag. l. 6. c. 16. p. 375. Martin. in Fide pseudocathol. l. 2. c. 5. p. 271. Sachs. in disqu. Bergius de persona Christi c. 4. th. 44. Solvunt itaq; unionem personalem cum Nestorio: sublatā namque communicatione hypostaseos λόγῃς cum carne assumtā; tollitur, ac evertitur unio hypostatica.

2. *Naturarum, ubi Pontificij, & Calviniani ex æquo communicationem naturarum impugnant* vid. Bell. l. 3. d. Christ. c. 8. Busc. d. pers. Chr. th. 14. ubi provocat ad consensum Calvinianorum. Conf. Beza in colloq. Momp. Antithes. 8. & 9. p. 204.

250.289. Zanch. lib. 2. de incarnat. c. 3. quæst. 12. p. 459. Dan. in Exam. p. 290. Par. Iren. p. 265. Quod pertinet infelix illud extra naturæ divinæ, per separationem ab humana, in Schola Calviniano- rum. Qua in parte & Nestorii, & Samosateni errori favent.

5. Ratione propositionum personalium, quas Iesuite & Calviniani statuunt 1. Identicas, 2. Essentiales: apud Da. Meissn. parte 2. sobr. Phil. s. 2. c. 2. quæst. 7. 8. vid. Compiler. Consens. cacodox. p. 18. & 123. Martin. in Menz. Antinuthet. c. 9. p. 118. Fide pseudocat. l. 2. c. 5. p. 279. 3. proprias, regulares, Gryn. in disp. d. Serm. incarnat. 4. Verbales uti Dan. contra Chemn. p. 295. Neostad. in admon. p. 68. Berg. d. l. th. 85. Negant insuper, Christum quæ homo est, esse filium Dei. Pisc. in not. ad amic. collat. Vorst. p. 191. in comment. super Luc. 1. v. 35. Par. in Iren. c. 28. art. 11. Martin. l. 2. d. pers. Chr. c. 17. p. 640. & Menz. Antinuth. c. 5. p. 75. 76. c. 10. p. 131. Berg. d. l. thes. 93.

48. Quibus opponi debet 1. ratio unionis hypostaticæ, cujus indolem refert tum communicatio; tum prædicatio verissima ac realis, singularis, mystica & inusitata. 2. Vnitas personæ θεω-
λογικῆς, ubi filius hominis non est persona diversa à filio Dei. & 3. dicta scripturæ filiationem illam Dei evincentia quoad Carnem Christi, ut Matth. 16 v. 13. 16. c. 3. 17. c. 17. v. 5. Heb. 1. 8. ubi si quis negatum iverit, filium Dei secundum humanitatem esse proprium Dei filium, absurde adoptivum cum Elilpando adstruere tenebitur.

6. Ratione

6. Ratione *communicationis* idiomatum, quam Pontificii cum Calvinianis iisdem armis impugnant vehementissimè, ac miserè exagitant. Bellarm. Greg. de Valent. Buse. &c. omnesque Calviniani. Hinc adeo factum, ut Crypto Calviniani VVittebergenses, disputationem Iesuitarum Ingolstadtensium de communicatione Idiomatum suo calculo ceu orthodoxam approbarint, ac studiosæ juventuti commendarint, VVittebergæ reculam A. 1571.

49. In primum gradum utraq; cohors impingit cum Nestorio: propria humanæ naturæ neutiquam Dei filio realiter competere potuisse, contendens. Unde sequitur: Solam humanam naturam pro nobis fuisse passam.

50. In Tertium impingit cum Paganis, & Photinianis; opus redemptionis evacuando: Ille namq; nos redemit, qui pro nobis passus & mortuus est: Atqui λόγος seu filius Dei, pro nobis non est passus, & mortuus, juxta sententiam adversariorum. E. nos non redemit. Ergo nondum sumus redempti: ad hoc enim, sola humana natura erat impar. utpote, infinitæ virtutis, opus.

51. Idq; eo magis, quia secundum gradum utrinq; impugnant, denegantes communicationem virtutis, ac reliquorum donorum Majestaticorum λόγος cum carne assumptâ. Denegata autem virtute divinâ carni Christi, negabitur de eâ, apotelesma salvificum ac θεανδριόν. Quomodo etiam circa hunc gradum Calviniani faciant cum Arianis, alibi dictum est,

52. Colophonis loco, imprimis notatu dignum est, circa gradum secundum communicationis: statum Controversiæ, à Calvinianis præsertim, mutatum esse. Vetustiores namq; Calviniani, & Sacramentarii, illo tempore aliter locuti sunt, atq; nunc loquuntur. Olim quippe humanæ naturæ in Christo nullas alias proprietates, conditiones, facultates, & prærogativas tribuere, & concedere volebant, quàm quæ in aliis naturalibus hominibus inveniuntur; uti Dn. Chemnic. in textu præsentis commemorat.

Neoterici v. contra hanc sententiam protestantur, præter dotes naturales, & communes cum aliis hominibus, etiam Gratiâ habitualementeque dona supernaturalia, & præternaturalia assumptæ humanitati ascribendo, vid. Zepper. l. 3. d. Bapt. p. 226. Trelcat. p. 92. Martin. l. 2. Theol. c. 14. p. 629. Admonit. Neostad. p. 56. Sadeel. de verit. Human. Nat. &c.

53. Hinc & illa, quæ membro secundo de effectis unionis addunt nostri auctores: Calviniani cum Jesuitis ultrò concedent, quod nimis sicut per unionem caro Christi ultra, & supra omnes creaturas summæ illi personæ arctissimè unita est; ita eo ipso accepit sine mensura infinitas, excellentes, & diviniore proprietates, quæ aliis nulli homini, nec ulli creaturæ, vel à naturâ insunt; vel unquam & divinitus conferuntur. Omnia inquam hæc Adversarii facillè concedent, imò hodie sic loquuntur, & publicè docent, si unicum terminum infinita-


et excipias, quem tamen illi in suo genere accipiunt, & pervertunt.


54. Videns hanc *νόβειαν* B. Chemnic. & veritatem adversariorum; Nilum lib. d. duab. Nat. aliter posterioribus temporibus conformavit, ibidemq; inter carnis Christi dona discrimen triplex recenset, 1. quod quedam sint ipsi Naturalia 2. quedam supernaturalia & præternaturalia, creata tamen, quæ Scholastici per Gratiâ habitalem exprimunt; & 3. quedam dona supernaturalia, increata, & verè infinita: de quibus propriè inter nos & Calvinianos controvertitur. Illi priora duo de carne Christi concedunt; posteri generis negant; Videl. Beza in colloq. Mompelg. p. 203. Sadeel. d. Ver. Nat. hum. in Chr. p. 208. Dan. contra Chem. p. 398. Martin. d. l. Sacksius, Bergius, & omnes Calvini gregales.


55. Nos v. præter duo illa, insuper tertium genus donorum de carne Christi affirmamus, ac paulo ante, & antehac alibi fusiùs probavimus.


56. Hæc etiam impræsentiarum sufficiant: de reliquis in posterioribus disputationibus monendi suppeter occasio.

δοξα τῷ θεῷ πάντως.









Biblioteka Jagiellońska



biblioteka jagiellońska



stdr0012641

